

21 JUL 1998

DR MAHATHIR TIBA UNTUK LAWATAN KE NEGERI SEMBILAN

SEREMBAN, 21 Julai (Bernama) -- Perdana Menteri Datuk Seri Dr Mahathir Mohamad tiba di sini hari ini untuk lawatan sehari ke Negeri Sembilan.

Ketibaan Dr Mahathir di Wisma Negeri disambut Menteri Besar Tan Sri Mohd Isa Abdul Samad, anggota-anggota exco kerajaan negeri dan anggota badan perhubungan Umno negeri.

Perdana Menteri kemudian mengadakan pertemuan tertutup dengan Ketua-ketua Bahagian Umno, pemimpin-pemimpin Pemuda dan Wanita Umno serta pegawai-pegawai penerangan Umno negeri di Dewan Teatret, Wisma Negeri.

Beliau kemudian dijadual menghadiri majlis jamuan tengah hari di Dewan Serbaguna, Wisma Negeri.

Sebelum mengakhiri lawatannya, Perdana Menteri dijadual menghadiri majlis pertemuan terbuka dengan para pemimpin Umno, parti komponen Barisan Nasional, ketua-ketua masyarakat dan pertubuhan serta pegawai-pegawai kanan kerajaan di dewan Majlis Perbandaran Seremban petang ini.

-- BERNAMA

AZ RP WAT